

求恕齋
叢書

心嚮往齋詩文集

五

蘇子知齋

PDG

心鄉往齋集卷十三

曲阜孔繼鑠著

吳興劉承幹校

丙辰

避地三首

丙辰二月二十九日粵寇再陷揚州江北諸邑戒嚴盡室遷避射陽歸自江上村居有作

朝陽上坡墮夕露霑庭扉白晝何遙遙古人同一歸采
蘭不盈把慘澹春芳菲回憶少年日腰帶懸光暉素髮
忽垂頸煙鳥西天微

但當飲美酒披衣升曾邱坐看楚天碧俯聽滄江流亭
皋藹藹木沙渚冥冥鳩春雲盪寒色萬里開芳洲奈何

抱幽獨日月縣縣愁

東不盡溟渤西不盡崑崙我歌氣出唱宛轉還復吞隻
身海上來城舍如荒村避地荊棘中婦子連雞豚一室
不自謀六合休空論

寄稼軒

天涯游子宦情微出處傷心萬事非滿地白雲堂北草
三年黃月省中薇金風遠道還吹鬢鐵騎長江未解圍
離亂正愁萍易散歸來莫後雁南飛

五月七日楊田作

巡撫吉爾杭阿江寧府
劉存厚戰歿高資鎮

郡縣未復賊未衰徒聞將士能死綏避地愁歎雜臥起

原野晚風殘日時
水田窮碧煙明滅
海上人家暗林樾
太白芒長心骨寒
溪聲如哭南天月

餘霞

墜日不知處餘霞欲竟天
流離當暮景零落得閒年
牧笛一邨遠漁梁萬象前
莫嗟雙鬢短歸計有雲煙

白髮歎

旣不典劇求上考散木扶蘇任榮槁
紫豔紅芳夢已闌
簪花短鬢隨蓬葆
丹樓畫閣春明前
長安走馬珊瑚鞭
友朋意氣盛杯酒
高歌擊筑聲通天
立談卿相不可取
野興林壑深相緣
不謀妻子訣
郎署垂釣東南猶少年

中年有事坎離術玉京金闕探堂室形骸斷無地上仙
日月虛過林下逸養生叔夜將如何子真吏隱同坎壈
垂垂白髮一千丈翻然涕下如江河齊高擲鏡對孫子
冲卿嘲客公然婆人生有知愧草木安得黃落回陽和
行年五十又過五北堂倍我霜鬢髭將母避地淮之阿
强爲歡笑愁嗟哉獨立南天一搔首紛紛吳楚旌旗多
龍竿寺送甘巖

明發一帆遠煙波獨我留南朝僧舍在今日海天遊智
慧無能減疏狂并是愁寺門看不厭浩蕩兩三鷗

寶應再送甘巖

今夕一尊酒堂堂兩鬢絲強能歡笑日不算別離時小
縣撾津鼓繁星照晚池那堪流痛淚江上羽書遲

喜黃生至二首

城東一港曲通海原上四村深合煙短櫂衝蘆南寺去
幽禽嘯竹北窗眠浮蹤不言家逾遠垂老能堪地太偏
向夜燈花頻照眼溶溶沙月水門前

痛醉高歌醒復休可能一醉百無憂出門千里動愁歎
今日幾人成獨遊爲覓隣翁成雨後同翻書帙亂牀頭
因君略省殊鄉樂更遣諸兒與唱酬

寄孫心仿

鹽車吾久病誰更識孫陽卻老知無術能文亦可傷鼓
鼙動江漢雲木隱芒碭把臂定何日相看涕淚長

晚泊老閣

淺麥初迎夏輕寒似早秋野清煙集樹風側岸膠舟羈
旅隨天遠汀洲向晚愁窺人雙白鳥飛去屢回頭

龍川別冰叔

莫賦江潭枯樹篇漢南司馬倍淒然迷離蒼狗浮雲外
顛倒青鞋布韉年長夏溪風搖赤日窮村沙鳥泣孤煙
披裘歸去君休笑尙有漁竿大澤前

咒雞院仙壇歌

江都秦氏以祠咒雞翁也初翁撫路旁
兒兒成立翁蛻去夢示兒以姓并名曰

遺南朝迄今爲望族壇在仙女廟東
十五里壇主余直生亦苦行士也

楚州城郭多旌旗湯湯江水人流離玉京虛無寄遙野
靈風獵獵吹荒祠短垣叢榭竹中院芳草不沒樊川碑
祝雞之翁家偃師五季逐世荒江湄周周粥粥過一世
別收棄卵同恩慈旣遂長養羽化去夢纏風木來悲思
武陵桃源在眼底命名寄慨秦之遺人間倫紀胡可薄
神仙苦愛螟蛉兒馨香報本此壇宇江陽東里龍川涯
石田茆屋人不到變滅陵谷無崩移凌霄花發牆東籬
牆外千里紅炎曦土田龜坼井泉竭禾頭枯斷沙離披
有年不足稅軍府盜賊壓境今何時男兒胸有萬古淚

點滴不爲身家垂哀乞綠章告天闕
慙回甘澍甦瘡痍
聽蕉隱彈琴

赤日不雨多黃霾龍池劒客攜琴來
長清短側止復作
我有百結緣君開玉簫明月橋廿四
綠楊城郭千樓臺
嵇康遺曲廣陵散人天同聽齊悲摧
蟹行蛇蛻我不識
獨憐君是焦餘材腹多藝能不救餒
將求升斗趨塵埃
古之單父善操縵君有其德無其才
吁嗟子豈無其才
獨彈古調羣疑猜牀頭無米或有酒
願君堅抱林閒盃
天生我輩非蒿萊褰裳且坐蒼山苔
阜財解慍急今日
南風爲起生民哀

楊田對月

萬里豁雲水風螢升復沈何年清漢月此地碧湖陰盡
室流離日高天戰伐心不須嗟溽暑吾意極蕭森

射陽行贈楊燦

安宜城東七十里海風浩浩吹谿田林薄受水病耕稼
人家動與鷗鳬眠大隄鉤車夢不到芳洲錦纜曾誰牽
賤子遯荒挈老弱問津刺艇窮寒煙主人有弟如惠連
開徑館我籬西偏長君孝友鄉里彥嶢嶢代業能青氈
顧我有母虞偁側更展堂背歡慈護宮室之具取攜便
春高井洌園蔬妍黃口哺雞牆有桀白小買魚門繫船

聞歌驅犢案几北開欄射鴨陂堂前稚子無憂婦無歎
蒼頭赤腳忘顛連蘿陰竹色媚明月一一如我園中天
不知身外叢盜賊嗚呼此惠誰使然我昨訪君旣茨室
圭竇都竈園廁聯豕牢芻膾日載枕破牖壞窗風鳴弦
始省崇客自貶損割宅奄有前民賢彼汾沮洳不中禮
王戎溫嶠多金錢段貨還直犯骨肉有馬借人今無傳
楊子偃蹇氣凌邁人之度量胡天淵矯龍猛鷺無不有
男兒那受人閒憐相逢相識及坎壈感悅涕泗紛流泉
萬間不異風雨庇餘生信有昇平年少陵流離過于我
申章聊抵彭衙篇

苦熱

湖上茅亭近射陽
年年夏木有新涼
一犁好雨藏何處
萬里炎曦到此鄉
絕壑極思浮舴艋
幽窗虛擬對滄浪
幾時戎馬同休息
江月江風冷戰場

秋暑

秋夕暑彌盛
江皋兵未休
老夫雙涕下
大火一天流
不定翻烏鵲
無眠徒白鷗
涼風終應節
肯爲掃羈愁

月夜

三年粵寇留江左
更報丹陽萬井空
賸有東湖好明月
一家圍坐客愁中

楊田偶成十五首

此地宜高臥從今罷遠遊北窗無一事一日兩梳頭
門前溪水長溪風吹白袷村巷開斜陽亂漫數鳬鴨
地遠得天多言笑發林莽隣里無嫌猜雞犬自來往
淮東爭戰地鑿土出遺戈千古斜陽在荒墳水上多
螢火亂坡壠孤村水氣高南風吹櫂楫北斗插蓬蒿
水田多赤日生理動成嗟一雨綠未滿四更人蹋車
往日追風涼攜友臨高臺此鄉酒價賤終日無人來
貧賤有至理憂樂隨天機浦溆捕魚郎一船八九兒
一窗侵日曉萬木暗村西但覺霧連屋不知雲出溪

時日孤村白晴雲四野藍山僧不相識愛過水南庵
火風扇墟里大江況征戍紅日滿蘆花鳴蟬不在樹
窮鄉隔江皋愁聞賊如雨故人城中來不敢問軍旅
雲赤禾失水沙飛蝗蔽天無田我不農一釜愁同煎
人生各努力大化無停流亦復東到海莫笑溝水頭
此身何處村百事與誰論落日煙中樹看人歸郭門

清夜

塵囂不到處清夜亦堪憐沙樹月沈野水村風滿天荒
雞疑海曙北斗向牀懸身世傷搖落窮鄉傍母眠

與程南卿

湖天無舊業就食野人家數里蓬蒿路一庭蒼荀花看
雲消永日何事更長嗟余亦東村隱空將兩鬢華

射陽湖食菱

菱蔓又垂實軍徭年復年愁連秋水舍飽結野人緣芒
角何時盡浮沈還自憐可能當薇蕨腸斷暮江天

檢海阜姪遺稿

一卷在我手悽然四座秋不知心所向但有淚長流英
少真吾畏聰明信汝讐高文摧鸞鷟早步失驂騑逝水
湍難返明珠碎卽休全家藏海曲羣盜尙山陬來日誰
能覩歡蹤不可求詩名孤阿叔長歎付滄洲

悼殷文學燠

廣陵有善士君家之嚴親仲弓既云歿

謂其弟甫古農先生

元斤

爲令人寇至巢盡覆漂搖惟一身老母海陵曲佳兒粵
虜塵扶病犯隆暑就我湖城闌君昔墮賊藪頻死潛酸
辛心肝脫虎口而乃刲于貧慙無活人術空將兒女仁
黽勉營一殯旅葬淮河濱儒門廢孝享悽斷頭上巾北
原泣秋雨異地多荆榛

絕句爲王古少作

幽谷誰憐黯澹姿荒涼一夢費相思西風斜日攀條泣
落盡好花人不知

月夜憶別冰叔

露筋祠北金牛灣青蘆赤腳風潺潺官舫野航雜鳬鶴
煙波出沒江南山南徐樓觀照林樾山光顚顚人離別
相逢時亦有觴詠園鳥溪花半嗚咽清秋相望水邊臺
無可悅怡多可哀蜚蟲齧齧賊苗稼蔽天響作無雲雷
五月六月晝流火禾頭不雨枯成灰淮海年年困兵革
大幸江北農無災中戶突愁米豐貴寒家號泣空瓶罍
魯國諸生復何有堂前圖史山中友一時親舊盛饑窮
矧爾寒飈傍衰母鳳凰戢影唳鵲林蘭菊桂摧薪樵
振振大憊未息燄汲汲萬命同浮漚懷鉛枕籍幸未死